

# Muchanan a gosa di un atardi recreativo y informativo na Biblioteca Nacional San Nicolas



**SAN NICOLAS** - Na inicio di luna di October Museo Arqueologico a presenta un exposicion di "aldeia miniatura di Indian" na Biblioteca Nacional San Nicolas. En conexion cu e exposicion aki Biblioteca Nacional San Nicolas hunto cu Museo Arqueologico Aruba a organisa un atardi recreativo y informativo pa e muchanan. E actividadnan tabata tin como tema: "Tras rastronan Indian di Aruba" mescos cu e programa di vakantie di

museo cu a tuma lugar na Juli y Augustus. Na e ocasion aki e muchanan tambe a haci e actividad di "Canarondriba Aruba, mescos cu Indiannan tabata haci". E muchanan a simbolisa esaki door di pone nan pia den verf di diferente color y marca e stencil cu forma di Aruba riba dje. Asina nan tambe a laga nan rastro di pia atras. Despues a sigui cu un storia di Cadiwari, e Indian cora, unda nan a ricibi informacion tocante e aventura cu un

mucha homber Indian Caquetio a pasa den. Na final di e atardi e muchanan a yuda traha e ultimo cas di Indian cu tabata falta na e aldeia miniatura, sin kita afor e chikitonan a yuda traha

Indian, tortuga, potchi y mas cos di klei

Museo Arqueologico ta gradici Biblioteca Nacional San Nicolas pa e espacio cu museo a haya pa pone e

exposicion y pa e oportunidad pa ofrece e muchanan di San Nicolas un atardi divertido. Tambe ta gradici Juffrouw Jennifer Bareto cu un biaha mas a pone su tempo disponibel pa yuda Museo.

